

國朝宮史

國朝宮史

國朝宮史

卷之十二

宮殿二

內廷上

乾清門廣宇五楹中門三陛三出各九級前列金獅二

皇帝御門聽政則於門下陳設

御座黼宸部院以次啓事內閣面承

諭旨於此

聖祖仁皇帝御製宮門聽政示閣部諸臣詩 中書天下本六

官庶僚首絲綸委寄隆分職愼所守上相列天堦喉舌筦北

斗乾象方昭垂古來詎虛授軒皇置六相姬文擇四友得人

邦乃昌此事諒非偶曰予既寡昧猷然謝哲后聽政日不遑

望道遠何有啓沃藉臣鄰匡勸資左右雖云際昇平民物豈

康阜圖終貴謹始治安莫予狃廣業惟克勤勵精期永久作

詩一相勗敬哉庶無負

御製御門詩

丁卯

凌晨御內朝咨采接羣彥嘉言孰予告庶

政惟爾贊稍釋望雨愁未愜求治願周公古元哲猶坐以待旦欽哉與日深敢恃

天恩眷

御製御門詩

丁卯

禁門咨庶事常朝接羣彥銀蟾尙餘光蓮

漏初停箭慄慄切獨懼魚魚偕衆選豈其旅進退實以資

匡贊坦平文石陛淨潔龍書案曷哉亮采儔仁爾嘉言薦

御製御門詩

庚午

明庭靄曙色宵衣戒晏朝恭己勅庶幾疇

咨觀百僚際和轉憂盛知近詎達遙察察匪爲明熙熙或

致驕惠民詔屢逮母乃屯其膏求賢念輒厪或則虛名要

孜孜敢怠荒日蒿思亦焦所希萬方逸遑惜一己勞

御製御門日作詩

辛未

一二日萬幾勤政遵

家法疇咨內朝門封章待批答率由貴有恒龍案延黃閣敷政

權剛柔省身切兢業民風願還淳歲功期允協每懷乃靡

遂蒿日柰才乏

御製御門日作詩

壬申

興夙列卿齊唱曉雞人報時巡返旌

轡召對臨廊廟勅幾固無方咨政貴有要察察戒小智淵

淵厓朗照唐虞夙所希成康猶未造設逢汲長孺豈免云
云詒

御製御門日作詩

癸酉

建禮接晨趨乘乾奉永圖勅幾遑燕

寢咨政闢亨衢曉日琉璃瓦香烟翡翠鑪後言誰退有成
見我從無

御製御門日作詩

甲戌

黃閣封章待綽音明廷敷對詰晨臨

疇咨晝接寧惟是典禮時修更欲尋三九期餘常厓念剛
柔異克不容心違云撫莅茲年久益覺憂勤與日深

御製御門口號詩

甲戌

御門閣部奏封章進止疇咨不厭詳

一日萬幾寧止是要因愛禮亦存羊

御製御門日作詩

丙子

省方秋蹕旋勅幾明廷莅畋遊曷可

極功敍無非事虞機省厥括絲綸愼所自疇咨實在茲都
俞益增愧無過孰則能動是吁可悸

御製御門日作詩

丁丑

南巡三閱月敕幾心敢解問民晉岳

牧諮政接寮宋驛章按程遞批答或至亥庭對雖故事愛
禮正茲在廻鑾所先務百爾共亮采念彼勞始逸勗此敬

勝怠周易有名言乾惕時自宰

御製御門日作詩

已卯

巡狩亦萬幾詎有閒宵旰還宮卽御

門朝簪亟延見敢云寧藉斯愛禮語彌美庶政酌剛柔羣材掄俊彥惟是稱職艱握吐懷公旦凡召對臣工引見

庶僚俱由門之右門出入內廷行走之大臣官員俱得

由之乾清門之旁左爲內左門右爲內右門皆

南向內左門不常啓凡內官及承應人等出入俱由

內右門軍機處大臣南書房翰林內務府大臣官員

出入亦得由之如遇

皇帝御養心殿召對大臣之年老者亦得於此門引進墀下

東出者爲景運門西出者爲隆宗門皆五楹門各

三內左門之東內右門之西周廬各十二楹東爲

文武大臣奏事待漏之所西爲侍衛房及內務府軍機

處直舍皆南向其南相對周廬各五東爲宗室王公奏

事待漏之所西爲滿漢軍機章京直舍皆乾隆十二年

建乾清門之內爲

乾清宮順治十二年建康熙八年重建

皇帝召對臣工引見庶寮皆御焉宮廣九楹深五楹正中設寶座左右列圖史璣衡彝器楣間南向恭懸

世祖章皇帝御筆扁曰正大光明

聖祖仁皇帝恭跋云

皇考世祖章皇帝御筆正大光明四字結構蒼秀超越古今仰見

聖神文武精一執中發於揮毫之間光昭日月誠足媲美心傳朕罔不時爲欽若敬摩勒石垂諸永久爲子孫萬世法康熙十五年正月吉旦恭跋兩楹恭懸

聖祖仁皇帝御筆聯曰表正萬邦愼厥身修思永弘敷五典無輕民事惟難北兩楹

御筆聯曰克寬克仁皇建其有極惟精惟一道積于厥躬

東暖閣扁曰抑齋西暖閣扁曰溫室殿前露臺列龜鶴各二晷影嘉量各一寶鼎四中爲甬道與乾清門相屬左右丹陛南出者二東西出者各一東西丹陛之

下有文石臺二上安設

社稷江山金殿

御製乾清宮銘

大哉至健純粹而精昭昭成象蕩蕩難名
四德嬪用六位時乘靜專動直資始大生我

祖我

考奉是丹楹五福敷錫萬國咸寧敢恃崇居惴惴矜矜益慎體
乾惟皇永清

聖祖仁皇帝御製乾清宮讀書記

二帝三王之道夔然尙矣

後之人興於千百世之下而欲遐稽往烈以爲多聞畜德之
資非載籍是賴厥道無由顧載籍極博大而道德之淺深政
理之因革小而聲名度數采章文物之繁靡弗該也靡弗悉
也若徒習其文詞侈其浩博而不深考其道法之大原得諸
心而致諸用古人之言皆陳迹耳於我何與焉朕自沖齡性
耽學問踐阼迄今罔自暇逸未明求衣待旦視事講臣執經
羣臣入奏未嘗一日不與相接既退裁決庶務披覽章疏有
間則書冊翰墨之外無他嗜好端居乾清宮取六經之書發

而讀之以求契夫古人之心將以致其用而未能也又上下古今盱衡數千載思昔人之所以致其用者而求之紀志表傳編年紀事之文將以致其用而知其心之所存朝斯夕斯怡然忘倦蓋浩乎其未有涯悠然其未有艾也比者海宇又安國家閒暇而風俗人心未能登進淳良聿臻上理每一念之憫然於懷將以得之於心者而實致諸用焉積晦明閱寒暑展卷吟誦神理淵穆如晤古人夫乾爲健天得一以清所貴執中而建極也自強不息以希天遜志好學以希聖朕雖不敏詎弗勉旃

聖祖仁皇帝御製元夜與諸王宴乾清宮詩 今夕丹帷宴聯

翩集懿親傳柑宜令節行葦樂芳春香泛紅螺重光搖絳蠟新不須歌湛露明月足留人

世宗憲皇帝御製恭侍乾清宮詩 殿閣參差際碧天玉堦秋

色靜芊綿雲開北闕祥光滿雨過西山霽色鮮寶座金爐香靄靄彤墀仙掌露涓涓承顏頻荷

溫顏接凜惕趨跼

繡展前

御製九日乾清宮侍宴恭紀詩

樂善堂集

繡錯仙枝煥彩霞重陽

侍宴佩萸華牋分

御筆親標韻席徹

皇恩別賜瓜一德賡歌仁壽世太和景象

聖人家獻詩爵躍追天保宴畢歸來日未斜

御製新正二日召集羣臣於乾清宮賦柏梁體詩朕既首倡

又成七言一章詩

己未

泰交堂陛列鴛聯日暖彤墀淑景

鮮祇以賡歌鳴喜起非誇宴樂沸絲絃浮柏葉添吟興

筆灑瓊華映綺筵更慶元正飄六出又增新瑞紀瑤編

御製元旦同諸王宴乾清宮詩

壬戌

韶律應三陽元辰福履

昌展親醕伯叔明命凜

穹蒼鳳琯春風入龍墀化日長獻椒歌有慶行葦樂無央

御製立春日奉迎

皇太后幸乾清宮侍宴恭紀詩

乙丑

日色風光麗綵旂起居

膝下肅而闈緣階瑞莢舒三葉貼戶春屏燦五雲青帝乘時方

煦嫗勾芒御氣正氤氲晚來絲管城闐開椒獻家家想半醺

御製新正奉

皇太后乾清宮侍宴得句詩

丙寅

瑞雪占時慶和風驅臘寒銅

綏仙木麗蘭朶玉華攢爵躍迎仙仗

慈寧

降葆鸞獻春陳桂醑履歲尙椒盤淑景欣昭益祥雲看簇

團初韶娛愛日長奉

萬年歡

御製元日乾清宮宴諸王卽席得句詩

庚午

元日乾清宴本

支百世親豐年占首歲和氣靄韶辰柏葉浮醺醪椒花煥

映振銀箋將玉管次第答光春

御製乾清宮小宴宗室臣工卽席得句詩

辛未

初筵和會景

含韶瑞色瓊樓雪未消已覺心期欣夏麥好酬節物頌春

椒紫觴底用行麟脯青律徐聞引鳳簫行葦載歌厓保泰

百年一統正熙朝

御製乾清宮宴親藩卽席賦句詩

乙亥

淑春始運啓元辰曲

宴乾清會懿親同有殷心祈上歲從來樂事首天倫欣徵
人壽樽浮柏漫詔仙厨脯擘麟和氣一家時斂福便因敷
錫萬方民

御製乾清宮小宴諸王卽席得句詩

丁丑

紫鳳迴春歲籥調

乾清嘉會慶三朝化民政要先敦族行葦歌聲並頌椒共
祝康年遍寰宇端知和氣靄宮寮本支百世綿瓜瓞景福
如川御正饒 乾清宮之東爲

昭仁殿殿內

御筆扁曰天祿琳瑯聯曰風奏南薰調玉軫霞懸東壁燦瑤
圖殿後西室聯曰有秋歷覽登三輔旰食惟期協九經又
聯曰獨喜惜陰澄靜照更因稽古契遐心室之北扁曰慎
儉德聯曰亦曰欽哉貫謨典允惟難矣作君師又聯曰瓊
枝春意足縹帙古香多皆

御筆也

御製昭仁殿銘 四德何以首元四時何以首春仁者人也

要莫大於親親刑寡妻以至兄弟民同胞而物吾與皆由

此施關痛癢而肫肫然其所包者廣是以孔子對門人之問不同而莫非由己之所存人盡宜勉又何況乎爲君吾用是居昭仁之殿恍然惟恐有愧於斯言

聖祖仁皇帝御製昭仁殿詩

雕梁雙鳳舞畫棟六龍飛崇高

惟在德壯麗豈爲威

御製昭仁殿詩

丁卯

乾清宮之東移爲昭仁殿

皇祖在御時日夕寢興之溫室也朕弗敢居焉乃貯天祿琳瑯宋元鐫本於內時一徘徊曷勝今昔之思芸帷木榻想貽

淳

聖日常懸麗栱振六十一年茲惕息百千萬世永昭仁好書敢謂承

先志新德惟期澡我身簷向周廬列書室每聞佔畢達楓宸

乾清宮之西爲

弘德殿殿內

御筆扁曰奉三無私聯曰二典三謨法堯舜之道五風十雨協天地之心殿後扁曰太古心東室閣上恭懸

世宗憲皇帝御筆聯曰惟以一人治天下豈爲天下奉一人

御筆聯曰九疇勤省歲萬寶協書雲閣下聯曰得句因新意
耽書是宿緣一日墨汁潤分瑤草綠篆文清帶筆花香
後室扁曰懷永圖聯曰雲霞紛綺麗文物共藏麈一日
心爽天宇豁情欣理境融皆

御筆也

御製弘德殿銘 求全之毀吉德也辨之不已是惑也不虞
之譽凶德也居之不疑是惑也知惑不爲直言其來知惑
而爲諛言其滋諛滋悔生直來其亨宜已而辨汝奚爲善
宜疑而居汝惡奚祛屏乎營乎其思德之所弘乎

御製弘德殿詩

辛酉

高閣傳銀箭朝曦散綺疏憂心周蔀屋

豈隔九重居

御製弘德殿詩

丁卯

軒宮象紫垣璇移接路寢居中撫八埏

奉三育羣品儉詒階尙土侈戒帷裁錦萬幾常自惕庶政
於焉審但希六幕調宵衣亦安枕

御製弘德殿齋居詩

辛巳

致齋返彤宮勅幾臨紫殿對時凜

金柅惜陰聆玉箭弘德構斯肯循名實相踐敬

天在愛民居貴可忘賤籌治誠契要勵人已敢倦時豫允厚幸

厚幸益兢戰庶幾奉

前猷億載皇清奠宮之東廡內臣直廬三楹

聖祖仁皇帝御筆扁曰御茶房稍南爲

端凝殿

聖祖仁皇帝御筆扁曰執事

聖祖仁皇帝御製端凝殿齋居詩肅肅羣籟屏裊裊爐烟舒

諏日躬禋祀濯祓臨齋居輝輝閣西日流影照綺疏坐久微

風來冷然吹衣裾齋心觀萬象默見天地初感神在至誠寧

俟灌鬯餘再南爲舊設白鳴鐘處

聖祖仁皇帝御筆扁曰敬天

御筆聯曰簾縈香篆齋心久坐殷鐘聲問夜遙其南東出者

爲日精門門之南爲

御藥房

聖祖仁皇帝御書扁曰藥房曰壽世再南一室奉

至聖先師及先賢先儒神位

御筆扁曰與天地參聯曰開洙泗心傳聖由天縱集唐虞道
統德合時中轉而南向北者爲

上書房

皇子

皇孫肄業處也

御筆扁曰養正毓德

世宗憲皇帝御筆聯曰立身以至誠爲本讀書以明理爲先

御筆聯曰念終始典于學於緝熙單厥心

御製己酉冬十一月二十一日

皇父御書立身以至誠爲本讀書以明理爲先一聯

恩賜懸掛書齋以寓訓誨至意恭紀詩

樂善堂集

文明雅化敷重譯

咫尺

奎章寶玉除妙義直須十四字至言已勝萬千書

天顏有喜龍鸞動細案承

恩雨露舒從此就將當益奮敢違提訓負居諸

御製仲冬御門後至上書房因示弘瞻輩詩

壬戌

緗帙芸編

散古香經帷舊學重商量憂心未釋勅幾暇樂志旋生味
道長緹室灰飛新景物瑣窻日上昔年光吟餘改抹前題
句未得筌蹄頓兩忘

御製每御乾清宮輒聞上書房諸皇子誦讀聲欣然會心兼

憶舊況詩

乙丑

佔畢達璫除居稽切講廬爲聲何朗朗毓

德想魚魚教子慚貞觀延師企二疏豈如王氏癖頗鄙李
生漁樂志因時敏研精值歲餘明窗晴旭暖忽憶十年初
御製秋仲丁祭日詣上書房

至聖前行禮詩

丙寅

萬古生民首千秋祭典光攝儀專國

學展禮詣書堂言念承

宗社何曾致治康徘徊講筵側惟覺愧宮牆

西廡向東與

端凝殿相對者爲

懋勤殿

御筆扁曰基命宥密

聖祖仁皇帝冲齡曾讀書於此今爲內廷翰林兼直之所凡圖